



20. oktober 2006

**Naalakkersuisut**  
**-/ Her**

**§ 36 apeqqt saarullinnit pisassarititanik agguaaneq pillugu**

Inatsisartut suleriesaanni § 36, imm. 1 naapertorlugu Naalakkersuisunut imaattunik apeqquteqassaanga.

1. Ukioq 2006-mi Naalakkersuisut saarullinnik allanillu aalisakkanik qaarajuttunik misileraalluni pisassiissutinik aalisarsinnaatitsisimappat?
  - a. Akuersaartoqassappat paaserusunnarpoq, misileraalluni saarullinnik imaluunniit allanik aalisakkanik qaarajuttunik aalisarsitsisinnaatitsineq Arctic Prime Fisheries-imit Kim Høegh Olsen-imit pigineqartumut qanoq ililluni atulersinneqarsimanersoq, Pinngortitalerivillu, soorunami soqutigisalinnit pingaarnerpaajusoq, aalajangiinermut ilaasimanersoq.
  - b. Paatsuugassaannqitsumik erseqqissumillu Naalakkersuisunit qulakkeerneqarsinnaava, pisinnaatitsissut eqqartorneqartoq atulersinneqarsimanersoq, isumaqatigiisummi aqutseriaatsimi tunngavittut malitassaq malillugu, kiisalu immikkut ittumik paasissutissiisarnermi tunngaviusartoq naapertorlugu?
  - c. Pisinnaatitsissutinut tamaginnut atulersitsinerup nalaani angallammik attaveqartoqarsimava?
  - d. Ukioq 2006-imi misileraalluni saarullinnik allanilluunniit aalisassanik qaarajuttunik aalisarsinnaatitaanernut pisinnaatitsissutit nalunaarsuutitaasa tamarmik takunissai kissaatigineqarput, nalunaarsorneqarnerisalu qanga atulersinneqarsimaneri, pisassiissutit annertussusai, angallatit allallu piumasarititaasut.
2. Naalakkersuisut ukiup 2006-ip ingernerani arlaatigut aqutsisoqarfimmut suliassiinermikkut peqqusisimappat naalakkersuisunit saqqummiutassamit imaluunniit assigisaanit saarullinnik imaluunniit aalisakkanik qaarajuttunik allanik misileraalluni aalisarsinnaatitaassutinik imalinnik inunntut aalajangersimasunut imaluunniit suliffinnut aalajangersimsunut atuuttussanik peqqussuteqarnermikkut, massa allaffeqarfimmiit nalilerneqaraluartoq, pisinnaatitaaneq taamaattoq qularnanngilluinnartumik aalisarnermut inatsisit inatsisillu allat anersaarinnikkaluaraat? Akuersaartoqassappat kissaataavoq suliati immikuutaarlugit tamaasa sularinerisa ingerlasimaneri peqqissaarussamik nassuiarneqarnissaat. Saqqummiussat sularineqartut, oqaaseqaatit allallu Naalakkersuisut akissutaannut ilanngullugit nassiunnissaat piumaneqarput.
3. Misileraalluni aalisarsinnaatitaanermut pisinnaatitsissutit pineqartut tarmarmik sularineqarsimappat Aalisarnermut Piniarnermullu Naalakkersuisoqarfimmiit Naalakkersuisut oqallissaarutit saqqummiussaminni siunnersuutaat tunngavigalugu?



- a. Akuersaartoqanngippat, paaserusunneqarpoq aningaasarsiornikkut, inuiaqatigiinnut suliaasaqartitsiniarnermilu iluaqutaasussat sorliit piviusut Naalackersuisunit angusassatut naliliunneqarsimanersut, aqutsisoqarfiup suliami uani siunnersuinerata isiginngitsuusaarneranut? Akissutitut takorusunngilara, Naalackersuisut isummiussamik saneqqussisimasinnaanerata aqutsisoqarfiup siunnersuinerata politikikkikut aalajangiineraniittuuneranik. Kissaatigaarali akissummit nalunaarutigineqassasoq, allattorneqassasullu, pissutsit piviusut piviusorpalaartut kiisalu politikikkikut soqutigisat, piviusorsiorneq pillugu aqutsinermi inatsisitigut piumasaqaatit malitassat sorliit, Naalackersuisut pingaartissimaneraat, Naalackersuisut pisimasumi aqutsisoqarfiup siunnersuinermini isumaanik saneqqussinissaq pitsaanerutillugu malikkusussimassagunikku.
4. Ukioq 2006-mi Naalackersuisut saarullinnik allanillu aalisakkanik qaarajuttunik misileraalluni pisassiissutunik aalisarsinnaatitsisimappat, pisinnaatitsissutip aalisariummut atasumik atulersinnerata nalaani nammineq pigisamik aalisariuteqanngitsunut? Akineqarusuppunga *aappimik naaggamilluuniit*.
5. Naalackersuisut pilersitsiniarnerisigut ukioq 2006-mi pisinnaatitsissutunik atulersitsisoqarpa misileraalluni saarullinnik imaluunniit aalisakkanut qaarajuttunut aalisarsinnaanermut? Akineqarusuppunga *aappimik naaggamilluuniit*.
  - a. Akuersaarneqassappat piumasarineqarpoq peqqissaartumik erseqqissumillu tassunga patsisigisaasunik taaguinertaqassasoq.
6. Inussiarnersumik Naalackersuisut piumaffigineqarput nassuiaateqassasut, misileraalluni aalisarsinnaanermut pisinnaatitsissutinit agguaassinerminnut atatillugu malittarisassat sorliit nassaassaasimanersut, ukiunilu kingullerni tallimani aalajangiinermi tunngaviit ingerlatseriaatsillu tassunga atatillugu atorneqarsimanersut.
7. Ukioq 2006-imi misileraalluni saarullinnik imaluunniit aalisakkanik qaarajuttunik aalisarsinnaanermut pisinnaatitsissutinit atulertitsineq pillugu Naalackersuisut allanik sunik paasissutissaateqarpat?

Ullumikkumiit ullut qulit qaangiutsinnagit allakkatigut elektroniskimillu qallunaatut kalaallisullu [jbfr@gh.gl-mut](mailto:jbfr@gh.gl-mut) kopiianillu [landstinget@gh.gl.-mut](mailto:landstinget@gh.gl.-mut) akissuteqarnissarsi piumasaraara.

Inussiarnersumik inuulluaqqusillunga

Jens B. Frederiksen  
Inatsisartunut ilaasortaq